

Na Rotterdam, Hulanda

Santo Sacrificio di Misa pa conmemora 20 aña di fayecimento di Betico Croes

ORANJESTAD - Na misa Paradijsskerk na Rotterdam a tene un Santo Sacrificio di Misa pa sr. Betico Croes q.e.p.d. na ocasion di binti aña di su fayecimento. E misa tabata atrobe na encargo di pader Goes, cu un tempo tabata pastor na misa Immaculata Concepcion na Santa Cruz, durante cual periodo el a conoce Betico Croes. E canto tabata na encargo di coro 'Nos ta Ruman' bou guia di Luthson

Geertruida.

Presente tabata Minister Plenipotenciario sr. Frido Croes, su señora Lourdes Croes-Figaroa y yiu muhe Joseanny Croes, Minister Plenipotenciario Suplente sra. Mavis Brooks-Salmon, miembro di Raad van State sr. Gilbert Wawoe y señora, sr. Ronnie Martina y señora, e rumannan Corinne y Germaine Hernandez di Nubian Queen, presidente di CAR sra. Erna

Diaz, personal di Cas di Aruba y hopi Arubiano y Antiano for di Rotterdam y vecindario.

E Santo Sacrificio di Misa a cuminsa cu canto di Himno di Aruba. Na final di e Santo Sacrificio di Misa Minister Plenipotenciario sr. Frido Croes a gradici tur presente pa nan asistencia na e misa dedica na memoria di sr. Betico Croes. E mandatario a recorda cu ta binti aña pasa Aruba a perde un gran yiu di tera y un gran lider.

Potretnan ta muestra e Santo Sacrificio di Misa cu a tuma luga na Paradijsskerk, Hulanda.

